

سنة لکي در سعادت ايجون مجديه
يکرمي غروش حسابيله التمش
غروشدر

طشمره ايجون بوسته اجرقي اوله رق
اون بش غروش ضم اولتور

نسخه سی ۴۰ پاره در

تذکره محاکمات

آبونه اولوق ایستینلر دائره عدلیه ده
اداره مخصوصه سنه مراحت
ایملدر

اعلاناک بهرندن بر مجديه اخذ
ایدلور

نسخه سی ۴۰ پاره در

هفته ده ایکی دفعه جمعه ايرتسي و چهارشنبه کونلری نشر اولتور . محتویاتی امور عدلیه به متعلقدر

تذکره محاکمات

در سعادت بدایت محکمه سی ایکنجی حقوق دائره سی
باش کتابته محکمه مذکوره برنجی صنف ضبط
کتبه سندن اسعد بك تعیین اولمش ومومی الیهک
علی الاصول امر تحلیفی اجرا قلمشدر .

تبلیغات

محاکم و دوائر عدلیه جه اخذ وجبات اولنان
خرج ورسومه مقابل اولباده کی اوراقه الصاق
ایلمکده اولان رسوم عدلیه پوللری مقبوض علم
و خبری ماهیتی دخی حائر اولوب بناء علیه رسم تمغا
قانوننک یتش دردنجی ماده سی موجبجه یکرمی
پاره لق رسم منضمه تابع اولوق لازم کلور ایکن بعض
محاکمه بو حکم قانوننک تطبیق ایلمامکده و بوقیلدن
اوله رق منضم پولسز مأمورین کفالتنامه لریله
اعشار دین سنداته تصادف ایلمکده اولدینی جهته
اجرای ایجابی مالیه نظارت جلیله سندن اشعار اولمش
واولوجهله ایفای مقتضاسی ضمتده عدلیه نظارت
جلیله سندن در سعادت و ولایات شاهانه عدلیه مفتش لریله
استیناف مدعی عمومیلرینه تعمیماً اجرای تبلیغات
اولمشدر .

محاکمات و مقدمات

در سعادت استیناف مدعی عمومیلکنده :

مصره فرار ایلدیکی ادعاسیله متهم اولان
و مقدمه داخلیه نظارت جلیله سی تسریع معاملات
قومیسونی کتبه سندن بولنان مختار بك حقده
اصول محاکمات جزاییه قانوننامه همایوننک
اوچوز یتش برنجی ماده سی موجبجه معامله

لازمه و محاکمه غیاییه سی بالاجرا نتیجه سنده
مرقومک بلا مأذونیت ترک مأموریت ایدرک
مصره فرار ایش ایهده نشریات مضره ایه
اشتغال ایتدیکنه دائر برکونه معلومات
استحصال ایدیله مدیکسندن مرقومک موقع
مأموریتی ترک ایه مصره فرار ایلدیکنسندن
طولانی عسکری جزا قانوننامه همایوننک یوز
اوتوز ایکنجی ماده سنه توفیقاً فیما بعد خدمت
دولتده قوللانماق اوزره مأموریتدن طردیله
اوچ ماه مدته حبسنه و اوتوز برنجی ماده
قانونیه منظوقجه حقوق مدینه دن بالاسقاط
اموالنک اصولی دائره سنده اداره ایتدیرلمسده
محکمه جنایتدن حکم اولمش و اصول محاکمات
جزاییه قانوننک اوچوز یتش یدنجی و اوچوز
یتش سکزننجی و اوچوز سکسان برنجی
ماده لریله مواد سائرده سی احکامنه توفیق معامله
اولنسی مرجعه بیلدیرلمش اولمغله ذکر اولنان
اوچوز یتش سکزننجی ماده نک جمله احکامندن
اولدینی اوزره اعلان کیفیته ابتدار قلندی .

محکمه تمیز استعدا دائره سندن تنظیم واعطا

قلنان اعلامدر :

دکزی سنجانی ایه غربی قره اغاج قضاسی بدایت
محکمه سی جزا دائره لرندن لاحق اولان قرارلرک
یکدیگرینه مابین اولسندن طولانی تعیین مرجع دعوی
طلبی مستدعی لواء مذکور مدعی عمومی معاونلکی
طرفدن ویریلان ۱۳ کانون اول سنه ۳۲۱ تاریخی
استعدانامه و متفرعاتی باش مدعی عمومیلک مأموریت

بهیه سنک ۸ مارت سنه ۳۲۲ تاریخی تبلیغنامه سیله
محکمه تمیز استعدا دائره سنه تودیع اولمغله قرائت
و مطالعه اولندی .
اوراق مرقومه ماللرینه نظراً عثمانک ضربندن
طولانی مظنون علیه اولان ایش اوغلی محمد حقده
بدایت غیاباً و اعتراضاً اجرا قلنان محاکمه نتیجه سنده
اون بش کون مدته حبسنه دائر ویریلان قرارک استیناف
ایلمسی اوزرینه جریان ایدن محاکمه استینافیه ده استیناف
استدعاسی مدت اعتراض ظرفده اعطا ایلدیکی جهته
مذکور استیناف استدعاسی اعتراض استدعاسی مقامنه
قائم اولوق و دعوی واقع محنده اعتراض علی الحکم
صورتیه فصل رؤیت ایدلک اوزره اوراقک محله
ارسالنه قرار ویرلمش و بدایت محکمه سنجه دخی
دعوی مذکوره اعتراضاً دخی رؤیت ایدلمش اولدینی
جهته تکرار رؤیت مساع قانونی اولدیغندن اوراقک
محکمه استینافیه به اعاده سنه قرار ویرلمش و شوصورتله
بدایت و استیناف محکمه لری مقرراتی بیننده حاصل
اولان اختلافک تعیین مرجع صورتیه فصلی محکمه
تمیزه عائد بولمش اولدیغندن بخله مقتضای قانونسنک
ایفاسی بیان و استدعا و مار الذکر تبلیغنامه ده دخی
دعوی واقع بدایت محکمه سنجه اعتراضاً دخی سبق
ایتدیکی حالده استینافاً تدقیق ائشاده بوجهت کورلیه رک
استیناف استدعاسنک اعتراض استدعاسی مقامنده
قبول اولوق و اعتراضاً رؤیت ایدلک اوزره اوراقک
محله اعاده سنه قرار ویرلمش مخالف قانون اولدیغندن
قرار مذکورک نقضی لازم کله چکی انبا اولمشدر .

ایجابی لدی المذاکره بدایت قراری مقررات
قطعیه دن بولندینی جهته محکمه استیناف اعلام
ابتدائی بی فسخ ایتدیکی تقدیرده دعوی کنیدیسی
رؤیت ایلک لازم کله چکنه و ذاتاً بدایت محکمه سنجه
اعتراضاً دخی محاکمه سبق ایش اولدینی حالده
استینافاً تدقیق ایلدیکی ائشاده بوجهت کورلیه رک
ذهولاً استیناف استدعاسنک اعتراض استدعاسی
مقامنده قبول اولوق و اعتراضاً رؤیت ایدلک اوزره
اوراقک محله اعاده سنه قرار ویرلمش اولسی یواسر

ومخالف قانون اولدیغندن اصول محاکمات جزائیة قانونک درتیز اون سکرینجی مادهسی حکمنه توفیقاً محکمه استینافیده استینافاً رؤیت دعوی اولغنی اوزره اوراق مرقومه مک محله اعاده سنه ۱۵ مارت سنه ۳۲۲ تاریخنده متفقاً قرار ویرلدی .

حاجی مولود اوغلی طوران ایله رفقاسنک اثنای راهده اوکرینه چقه رق مرکری غصب و مرقوموندن طورانی قتل ایدن متوفی عمره معاونت ایلدیکی ادعا اولغسندن دولای جنایتله اتهام اولئان محمد بن عبد اللهک الی سنه مدته کورکه قولغسندن دأثر مرعش سنجائی بدایت محکمه سی جزا دأثره سندن ایکینجی دفعه اوله رق ویریلان ۴۳۶ نومرولی اعلام مصطفی بن سرهانک دکانی دیواری دله رله اموال موجوده سی سرقت ایلدیکی ادعا اولغسندن دولای جنایتله اتهام اولئان عبد القادر بن شغشک اوچ سنه مدته کورکه قولغسندن دأثر قدس شریف سنجائی بدایت محکمه سی جزا دأثره سندن اعطا قتلان ۷۰ نومرولی اعلام

آینه روزده ایرغاد قسطه ولد نیقوله ورفقاسنک اوکته چقه رق معامله جبر و شدت اجراسیله نقود و اشیا لرینی اخذ و غصب ایلدکاری ادعا قلمه سندن دولای جنایتله اتهام اولئان قسطه انکلی و یورکی و قسطه نک اوچرینجی سنه مدته کورکه قولغسندن دأثر سالنیک ولایتی استیناف محکمه سی جزا دأثره سندن اعطا قتلان ۱۰۰ نومرولی اعلام

معامله جبر و شدت اجراسیله درویش بکک قوزیسی سرقت ایلدیکی ادعا اولغسندن دولای جنایتله اتهام اولئان احمد بن سلیمان اوچ سنه مدته کورکه قولغسندن دأثر دراج سنجائی بدایت محکمه سی جزا دأثره سندن اعطا قتلان ۲ نومرولی اعلام

مصطفی بن اسماعیلک اثنای راهده اوکته کچهرک معامله جبر و شدت اجراسیله اشیا سی اخذ و سرقت ایلدکاری ادعا اولغسندن دولای جنایتله اتهام اولئان حبیب بن محمد علی ورفیقی یوسف بن ابراهیمک اوچر سنه مدته کورکه قولغسندن دأثر ارزنجیان سنجائی بدایت محکمه سی جزا دأثره سندن اعطا قتلان ۱۲۴ نومرولی اعلام

مصطفی بن عثمانک ضرباً ماده قتل سندن دولای جنایتله اتهام اولئان صالح ذباقک بش سنه مدته کورکه قولغسندن دأثر انقره ولایتی استیناف محکمه سی جزا دأثره سندن اعطا قتلان ۱۱۰ نومرولی اعلام احمد بن حسن اغای قتل ایلدیکی ادعا اولغسندن دولای جنایتله اتهام اولئان بکر بن محمدک اون بش

اوچیز یکریمی اوچ سنه سی کانون اولنک یکریمی بشنجی بازار ایرتسی کونی ساعت بش راده رنده ککبوزه قضا سنک دایرجه ناحیه سنده سامی افندی بی اره رنده اولان خصوصتدن طولانی قتل قصدی ایله جرح ایلدیکی ادعاسیله مظنون علیه اولان قریه مذکور سکته سندن اون بدی یاشنده دایرجه ملی رنجیر رفعت بن مصطفانک جنایتله اتهام دأثر هیئت اتهامیه دن تنظیم قتلان مضبطه ایله استیناف مدعی عمومیلکنک ۲۸ شباط سنه ۳۲۲ تاریخ و ۱۲۵۱ نومرولی اتهامیه سی اوراق متفرعه سیله معاً محکمه جنایتله تودیع قلمغله بالمطالع اصول محاکمات جزائیة قانوننک باب ثانیسنک فصل رایعده محرر اولان معاملات ابتدائی و جاهیه اجرا اولغنی اوزرینه متهم رفعت هیئت اتهامیه مضبطه سی علیه مسئله نک ماده جنائی سندن اولدیغندن بالبحث مفسوخیت ادعاسنده بولنه رق و ادعای واقع محکمه تمیز استدعا دأثره سنک ۲۵ نیشان سنه ۳۲۳ تاریخ و ۳۸۷ نومرولی اعلامیه رده اولنه رق اوراق دعوی تکرار محکمه به تودیع قلمغله متهم مرقومک اجرای محاکمه سی ایچون اوچیز یکریمی اوچ سنه سی مایسنک او توز برنجی بخشه کونی تعیین قلدی .

یوم مذکورده متهم مرقوم علی الاصول توقیفخا نه دن کتور دیله رک وکیل نجائی افندی و استیناف مدعی عمومی معاون نرندن عزتلو سمیح بک و مدعی شخصی سامی افندی موقع مخصوصارنده حاضر اولدقاری حالده محاکمه سالونه چیقاریلرک محاکمه علیه ووجهیه اجزاسنه مباشرت و متهم رفعتک هویتی بالتدقیق استجواب ضبطامه سنده محرر اولدینی ووجهیه تعیین ایتدکن و متهم مرقوم ایله وکیلنه اخطارات لازمه قانونیه ایفا قلدقندن صکره محکمه تمیز استدعا دأثره سنک اعلامی و هیئت اتهامیه مضبطه سی و اتهامیه

ضبط کاتبلرندن علی صائب افندی طرفندن قرائت اولدی .

مذکور اعلامده استدعا نامه ده سرد و بیان اولئان اعتراضات مضبطه اتهامیه مندرجانه نظراً بجا کور یله مدیکندن مفسوخیت استدعاسنک ردینه و هیئت اتهامیه مضبطه سنده مظنون علیه رفعتک سامی افندی بی قتل قصدی ایله جرح ایش اولغسندن طولانی اتهامیه اوراق تحقیقیه ده محرر دلائل و امارات کافی کورلمش و حرکتی قانون جزانک یوز سکسانجی ماده سی حکمتی مستلزم افعال جنائی سندن بولنش اولدینی بیانیه مرقومک جنایتله اتهامیه قرار ویرلیدی محرر و اتهامیه مهده مرقوم رفعتک مضبطه مذکورده مندرجائی ووجهیه اتهام ایلدیکی مسطر در .

اتهامنامه نک خلاصه سی جانب ریاستدن متهم رفعته تفهیم و توضیح و معاون مومی ایله طرفندن دخی دعوانک تشریح اولغنی معقب طرفین اطاق اولندقه متهم رفعت مدعی شخصی سامی افندی ایله منازعه ایتدکاری و یکدیگرینه خصوصتی اولدیغنی و مومی الی یارملدیکنی سولیکه استنطاقامه سی او قوتدیر یله رق برکون خانه سندن جیقوب چارشویه کیتکده ایکن سامی افندی اتده بیوک بریچاق اولدینی حالده اوکته جیقوب صول اوموزینه ایک دفعه اورمسیله بیلکندن و ییغنی المی ایچون دخی بیچانک صاپندن طوبوب اوغراشقه قدر ایکن امین داینک محمد یتشهرک هر ایکینک بدندن مذکور ییغنی اخذ ایلدیکنی و بوتانده صول النک باش پارمغندن یاره لنیدیکنی و مومی ایله سامی افندی ک بلنده ییچاق موجود اولدیغندن رفقایق ایقاع ایدر و همیه قاهره ق تپه ویران قریه سنده کی بیوک پدری صادق افندی نک زنده کیتدیکنی حضور مستطقده سولش ایدوکی اخطار ونه ده جکی استفسار اولندقه قرائت اولئان افاده سنک طوغری اولدیغنی بیان ولدی السؤال مدعی مومی ایله ایله مقدمه ماناعه لری سبق ایتمش ایسه ده بر قاج چو جقه برلکده اون ایکی یاشلارنده بولئان برادری مقدما مدعی شخصنک صالانلی اوکته اوینایوب قهرلی زنبکنی چیقار ملرندن طولانی برادری ضرب ایتک اوزره خانه سی اوکته کیش و قونک خلقه لرینی خلقه لرینی قوبارمش اولغسندن ناشی مومی ایله حقنده افاده دعوی ایتدیکندن کندوسنه خصوصتی بولندینی جهته بروجه محرر برکون اوکته چقدیغنی درمیان ایلدی .

مدعی شخصی سامی افندی بر بازار ایرتسی کونی ساعت بش آتی راده رنده خانه سندن جیقوب چارشویه کیتکده ایکن رجب اغانک خانه سی اوکته کلدیکنده هاه صداسیله بریشک قولغیه باشنه اورمسیله ارقه سنه

دونوب باقدیغنده جار حک حضور محکمه ده کی متهم رفعت اولدیغنی ویدنده دخی کیرجه بریچاق بولنوب تکرار اورمق اوزره قالدیردیغنی کورمسیله صول ایله ییغنی طوته رق باش یاره مغنک دخی کلدیکنی و ییغنی المی ایچون اوغراشدیغنی صروده متهم مرقومک قارنده ده صابلامق ایچون ییغنی بر قاج دفعه ده صالدرمش ایسه ده ایله ییغنی چکدیکندن تصادف ایتدیره مدیکنی و بوسرده ایکینجی دفعه اولمق اوزره مذکور ییچاقه باشنه اوردیغنی و اورادن کچمکده بولئان امین دائی اوغلی محمد کلوب ییغنی المی ایتدیکنده متهم رفعت تکرار کندوسنک قارنده صالدردیغنی حالده تصادف ایتدیره میوب محل وقعه یه شتاب ایدن مصطفی ایله برلکده متهمک التدن ییغنی الدقاری وبعده متهم مرقوم فرار ایلدیکنی ووقعدن درت مام مقدم متهمک برادری صانلغنک قیوسی قیروب و صانلری دوکوب صیغاره ایچمکده اولدیغنی کورمکه حریق وقعه نه میدان ویرلامک ایچون تکدیر ایتدیکنی جهته خصوصت پیدا سندن ایلر و کلدیکنی تذکار و عندالاستیضاح سلاح طاشیمق عادی اولدیغنی جهته زنده هیچ بر وقت روولور و ییچاق بولنمز اولدیغنی و متهمک یتشهر ایلدیکی ییچاق یارم متر طولنده اولوب قبضه سی متهمک و یوزی کندی یدنده اولدینی حالده شتاب ایدن محمد و مصطفی طرفلرندن اخذ اولدیغنی ووقعدن اوچ درت کون صکره حکومتک جبر و تضییق ایله متهمک تسلیم نفس ایلدیکنی علاوه گفتار ایلدی .

(مابعده کله جک نسخه یه)

دقتسز لکله بکرک مجروحیتنه سببت ویردیکنی تین ایدن آراهه یی پروانک اون کون حبسیله برابر مصارف جراحیه اولمق اوزره اتش غرو شک کندو سندن بالتحصیل مجروحه اعطاسنه

فسجی پوزاتی ضرب و جرح ایدن فرانسه دولتی تبعه سندن ژاننن ایکی اتون اخذیه مجروحه اعطاسنه خرسوتی ضرب ایلدیکی ثابت اولان ماکنه جی احمندن بر اتون اخذیه مضروبه اعطاسنه پولیس کاظم افندی به اجرای مأموریت حالنده معامله تحقیریه ده بولئان حیدر افندی دن ایکی اتون جزای نقدی اخذینه

خلاف تیشه حرکتی تین ایدن مانوقدن اوچ بشلک جزای نقدی اخذینه قورشون بورو سرقت ایلدیکی تین ایدن صبی علینک صغرسنی حبسیله ولسنه تسلیمه خلاف تیشه حرکتی تین ایدن قهوه جی توقیفدن بشلک جزای نقدی اخذینه

منور خانم ناموسه طوقنور سوز سوبلدیکنی تین ایدن قاسم پاشاده ساکنه امینه خاندن یارم اتون جزای نقدی اخذینه

قسطی به اطاله لسانده بولئان بیکده ساکن قره بتدن بر اتون جزای نقدی اخذینه

عبدالرحمنی ضرب ایتدیکنی ثابت اولان چاچانک برهفته حبسنه

زوجه سی هدایت قادینی ییچاقه جرح ایتدیکنی ثابت اولان حلیمک درت آی حبسنه

ایس اغا قریه سنده ساکن محمدک اسلام نام

چوچنی جرح ایلدیکی ثابت اولغله برماه حبسنه

قاسم پاشاده کبابجی عبد اللهک پولیس عزیز افندی اجرای وظیفه حالده ضرب ایلدیکی ثابت اولدیغندن اتی ماه حبسنه

فندقلیده تنکجی بخورک تنکجی صالطینی ضرب ایتدیکنی ثابت اولدیغندن بر اتون آتیه رق مضروبه ویرلشنه

راسمک بکجی حسینی جرح و مأمورین ضابطه یه قارشو روولور انداخت ایلدیکی ثابت اولغله بریچق سنه مدته حبسنه

حیدر افندی نک کاظم افندی به حقارت ایلدیکی ثابت اولدیغندن ایکی اتون جزای نقدی اخذینه

فرانسه دولتی تبعه سندن ژانک پوزاتی ضرب ایلدیکی ثابت اولدیغندن ایکی اتون آتیه رق مدعی به اعطاسنه

میرکونده ساکن احمد محی الدین افندی ایله سیف الدینک حاجی ابراهیم افندی به اطاله لسان و پولیس عزیز افندی بی ده یکریمی کوندن زیاده ایشندن قاور درجده جرح ایتدکاری و مرقوم سیف الدینک آندون نامنده برینی دخی جرح ایلدیکی و آندونک بوکا تشهر سلاح ایلدیکی ثابت اولدیغندن افعال سائرملرنک سبب شدت عدلیه مرقومان احمد محی الدین افندی ایله سیف الدینک ایکیشر سنه مدته حبسلرینه و آندونک دخی اون بش کون حبسنه

محله آر سنده طبانجه آتدینی اصولاً ثابت اولان قالیونجی قولغنده ساکن باینک یکریمی درت ساعت حبسنه و برشلک جزای نقدی اخذینه

بقال استفونک جاکتی سرقت ایدن تقسیمده قزغانجی محله سنده ساکن صبی جالک اوبونه تسلیمه در سعادت و بک اوغلی بدایت محاکمی جزا دأثره لرجه قرار ویرلشدر .

مخالفات ابتدائیة

چارسنچاق قضای بدایت محکمه سی اعضا سندن

مستطق مصطفی و مستطق معاون سابق حسین حسنی افندی لک درت طاقم اوراق تحقیقیه یی مرور زمانه اوغراش اولدقاری معموره العزیز دیاربکر ولایتلری عدلیه مقشلسلکندن وارد اولان اوراق تحقیقیه مندرجاندن اکلا شلمسنه مبنی محاکمه آتیه آتیه عدلیه نظارت جلیله سندن مأذونیت ویریلرک محله تبلیغات مقتضیه اجرا ایلدشدر .

اعلانات

در سعادت احیناف مدعی عمر بیلکندن :

حیله ایله افلاسه محاسرت ایلدکاری ادعاسیله مظنون علیهما اولوب حال فرارده بولئان بک اوغلنده یازینجی زقاعنده دایسی دیمترنک خانه سنده مقیم صراف یانیه لی اسپرو جافه ری وبقال کوبنده ساکن صراف پنا یوب دیمولونک اصول محاکمات جزائیة قانوننک مواد مخصوصه سی احکامنه توفیقاً جنایت محکمه سنده محاکماری اجرا قلمق اوزره قانون جزانک ایکسوز اوتوز برنجی ماده سی موجبنجه جنایتله اتهامیه قرار ویرلیدیکندن متهمان مرقومانک هر زرده کوریلور لر ایسه طوتیلوب محکمه مذکورده توقیفخانه سنه تسلیماری لازم کله جکی بالمله ضابطه مأمورلرنک معلومی اولمق اوزره اشبو اخذ و گرفت مذکره سی در سعادت هیئت اتهامیه سندن بالتظیم اعطا قلدی .

سرقت ماده سندن طولانی مظنون علیهمدن کاظمه یتساقاق ایتدیکنی ادعاسیله مظنون علیه اولوب غیر موقوف بولئان خصصکویه روم کایساسی زقاعنده مستأجراً مقیم و آینه لی قواقده ترسانه قیوسنده یکریمی اوچ نومرولی دکانده قهوه جیلک ایدن یکریمی بریاشنده آستانده متولد تبعه یونانی سندن یاقو ولد ایساق مایونک اصول محاکمات جزائیة قانوننک مواد مخصوصه سی احکامنه توفیقاً موقوف بولئان کاظم و بکر و محمد ایشارایله برلکده جنایت محکمه سنده محاکمه سی اجرا قلمق اوزره قانون جزانک ایکسوز اوتوزنجی ماده سی علاوه سی موجبنجه جنایتله اتهامیه قرار ویرلیدیکندن متهم مرقومک هر زرده کوریلور ایسه طوتیلوب محکمه مذکورده توقیفخانه سنه تسلیمی لازم کله جکی بالمله ضابطه عدلیه مأمورلرنک معلومی اولمق اوزره اشبو اخذ و گرفت مذکره سی در سعادت هیئت اتهامیه سندن بالتظیم اعطا قلدی .

اوچیز یکریمی اوچ سنه سی مارتنک یکریمی

التجی بازار ايرتسی کونی سلیمانیه ده منلا خسرو محاسبه سنده
آره لرنده ظهور ایدن منازعه اوزرینه احمد توفیق
افندی جرح و قتل ایتدیکی ادعاسیله متهم اولان
لازستان سنجاغئک آتیه قضاسنه ملحق آتصوقریه سی
اهالیسندن قیصه بویلی ، ایریجه برونی ، سیاه کوسه
صقاللی ، قمرال بیق وعادنا آیللی ، اسمر بکزیلی
یکرمی درت یاشلارنده اولوب مقدما محله مذکورده
اقامت ایتکده ایکن فرار ایدن سلیمان رشیدی بن
علی حقنده اصول محاکات جزائیة قانوننک اوچیوز
یتش برنجی ماده سی موجبجه معاملہ مقتضیه ایفا
ومحاکمة غیاییه سی بالاجرا نتیجه سنده مرقومک
مومی الیه احمد توفیق افندی بالتهور جرح و قتل
ایتدیکی ثابت اوله رق قانون جزانک یوزیتش دردنجی
ماده سنک فقره اولاسی حکمه توفیقاً اون بش سنه
مدتله کورکه قولکسنه و اوتوز برنجی ماده قانونیه
منطوقجه حقوق مدینه دن اسقاطیله اموال محجوز سنک
علی الاصول اداره ایتدیرلسنه محکمة جنایتدن حکم
اولمش و اصول محاکات جزائیة قانوننک اوچیوز
یتش یدنجی و اوچیوز یتش سکرنجی و اوچیوز
سکسان برنجی ماده لرله مواد سائرده سی احکامنه توفیق
معامله اولنسی مرجعه بیلدیرلش اولغله مذکور
اوچیوز یتش سکرنجی ماده نک جمله احکامندن
اولدینی اوزره اعلان کیفیت ایتدار قلندی .

محال متعدده و وقوعبولان سرقتدن و سارقله
یتاقلق ایتک جرمندن طولانی مظنون علیهم اولوب
غیر موقوف بولسان اورته بویلی ، سیاه صاچ وقاش
ویبقلی ، اسمر بکزیلی طوپخانه ده بات یازارنده یتش
سکر نومرولی خانه مستأجراً ساکن یکرمی بش
یاشنده ایرانی محمود و غلطه ده عرب جامعی جوارنده
آلاجه مسجده اوچ نومرولی خانه ساکن یکرمی
القی یاشنده معونه جی علی واورته بویلی ، الا کوزلی ،
قیرصاچ وقاش و بیق و صقاللی غلطه ده عرب جامعی
جوارنده تیمورچیماز زقاغنده اوتوز اوچ نومرولی
خانه ساکن قولتجیللق ایدن قرق سکر یاشنده
محمدچاوش واورته بویلی ، قره کوزلی ، مدورچکلی ،
قره قاش و صاچلی ، اسمر بکزیلی حطب قپوسنده
کراسته جیلرده آراهه جی زقاغنده قهوه جیلک ایدن
اوتوزایکی یاشنده ایرانی علی وخدمه دن محمد واوزونجه
بویلی ، قمرال صاچ وقاش و بیقلی ، چیچک بوزوغی
تخته قلمده اوزون چارشو یاشنده یواشجه شاهین
محله سنده مرقوم محمدک خانه سنده ساکن ارنبود
بکر و غلطه ده کورجی زقاغنده مصطفانک قهوه سنده
ساکن ایکن فرار ایدن اورامک اصول محاکات
جزائیة قانوننک مواد مخصوصه سی احکامنه توفیقاً

موقوف بولنان رفقلریله برلکده جنایت محکمه سنده
محاکمہ لری اجرا قلنمق اوزره قانون جزانک ایکیوز
یکرمنجی ماده سی موجبجه جنایتله اتهاملرینه قرار
ویرلیدکندن متهم مرقومونک هر زرده کوریلورایسه
طوتیلوب محکمة مذکوره توقیفخانه سنه تسلیم لری
لازم کله جکی بالجمله ضابطه عدلیه مأمورلرینک معلومی
اولمق اوزره اشبو اخذو کرفت مذکوره سی درسعادت
هیئت اتهامیه سندن بالتتظیم اعطا قلندی .

حاجی رضایی قتل قصدیه جرح ایلدیکی ادعاسیله
مظنون علیه اولوب وقعه یی متعاقب فرار ایتش اولان
اورته بویلی ، سیاه صاچ ، و صاریجه بیقلی ، الا کوزلی ،
اورته آغز و برونی ، مطروش یوزلی ، مدورچکلی ،
بغدای بکزیلی ، آچیق آیللی فنارده کریمد محله سی
ساکنلرندن یکرمی یدی یاشلارنده یانقو نام دیگر
ماریغنه نک اصول محاکات جزائیة قانوننک مواد
مخصوصه سی احکامنه توفیقاً جنایت محکمه سنده
محاکمه سی اجرا قلنمق اوزره قانون جزانک یوز
سکسانجی ماده سی موجبجه جنایتله اتهامه قرار
ویرلیدکندن متهم مرقومک هر زرده کوریلورایسه
طوتیلوب محکمة مذکوره توقیفخانه سنه تسلیمی لازم
کله جکی بالجمله ضابطه عدلیه مأمورلرینک معلومی
اولمق اشبو اخذو کرفت مذکوره سی درسعادت هیئت
اتهامیه سندن بالتتظیم اعطا قلندی .

فضیلتلو شکری افندیکنک خانه سندن وقوعبولان
سرقتدن طولانی مظنون علیهمدن اولوب حال فرارده
بولنان الا کوزلی ، بغدای بکزیلی سیواس ولایتیه
تابع مجید اوزری قضاسنک چیقریق قریه سی اهالیسندن
بهادر اوغلی نوری بن محمدک اصول محاکات جزائیة قانوننک
مواد مخصوصه سی احکامنه توفیقاً موقوف بولنان
رفقاسیله برلکده جنایت محکمه سنده محاکمه سی اجرا
قلنمق اوزره قانون جزانک ایکیوزیکرمنجی ماده سی
موجبجه جنایتله اتهامه قرار ویرلیدکندن متهم
مرقومک هر زرده کوریلورایسه طوتیلوب محکمة
مذکوره توقیفخانه سنه تسلیمی لازم کله جکی بالجمله
ضابطه عدلیه مأمورلرینک معلومی اولمق اوزره اشبو
اخذو کرفت مذکوره سی درسعادت هیئت اتهامیه سندن
بالتتظیم اعطا قلندی .

اوچیوز یکرمی ایکی سنه سی کانون اولنک اون
التجی کیجه سی صباحه قارشو غلطه ده طوغری یولده
ایرانی عبد اللهک قهوه خانه سنده نجفی جرح ایله
کوزینی رؤیتدن محروم ایتدیکی ادعاسیله مظنون علیه
اولوب غیر موقوف بولنان اوزون بویلی ، اسمر بکزیلی ،

قره کوز و بیقلی اوتوز درت یاشنده ایرانی چایچی
وتفه جیلک ایدن عباس بن ابراهیمک اصول محاکات
جزائیة قانوننک مواد مخصوصه سی احکامنه توفیقاً
جنایت محکمه سنده مستنطق طرفندن جنحه ایله لزوم
محاکمه سنه قرار ویرلش اولان نجف ایله برلکده
محاکمه لری اجرا قلنمق اوزره قانون جزانک یوز
یتش یدنجی ماده سی موجبجه جنایتله اتهامه قرار
ویرلیدکندن متهم مرقومک هر زرده کوریلورایسه
طوتیلوب محکمة مذکوره توقیفخانه سنه تسلیمی لازم
کله جکی بالجمله ضابطه عدلیه مأمورلرینک معلومی
اولمق اوزره اشبو اخذو کرفت مذکوره سی درسعادت
هیئت اتهامیه سندن بالتتظیم اعطا قلندی .

اذمید بدایت محکمه سی اجرا دائره سنه:

اذمیده تابع ارسالان بک قریه سی ساکنلرندن
متوفی سراب اوغلی ماردیروس زوجیه سی و استپان
کریمه سی سرپوهی قادین و مخدومی مغردیجک برقطعه
اعلام شرعی ایله متوفای مرقوم ماردیروس ذمتده
الاجقاری اولان مبالغ معلومه نک تأمین استیفاسی
ایچون مدیون متوفای مرقومک ترک سنه وضع ید
ایدن اوغللری نشان و بغوص و قزلری پروز
و وارطوهینک عهده لرنده بولنان ارسالان بک قریه سنده
کائن طرف یمینی اغوب خانه سی یساری طریق عام ارقه سی
طوغرامه جی مناس خانه سی جبهه سی یول ایله محدود
ایکی اوپه برصفه و آلتنده ایکی باب دکانی مشتمل بر
باب خانه سیله یینه قریه مرقومه نک یکی مزارلق موقعده
کائن شرقاً اپی اوغلی اغپوس غرباً سراب اوغلی
اغوب شمالاً طلوبه جی اوغلی ارون جنوباً کوله اوغلی
ارداشس باغچه لرله محدود وایکی یوز دوت اغاجی
حاوی برقطعه وینه موقع مذکورده شرقاً اپی اوغلی
اغوب غرباً اینجه اوغلی سرکز زوجیه سی شمالاً اپی
اوغلی مغردیج جنوباً طریق عام ایله محدود و یوزاللی
عدد دوت اغاجی حاوی برقطعه که جمعاً ایکی قطعه
دوت باغچه سی وینه قریه مرقومه نک کور دره
موقعده کائن شرقاً پاپاس اوغلی حزر غرباً کور دره
شمالاً پاپاس اوغلی ارتین مخدوملری کرقرور جنوباً
تکنه جی اوغلی وارترس حدود لرله محدود برقطعه
باغ یرینک حجز و فروختی قرارلشدیرلش اولدیفندن
تاریخ اعلاندن اعتباراً اون بش صکره املاک مذکورده نک
بالمزاید فروخت اولنه جی اذمید بدایت محکمه سی
اجرا دائره سندن اعلان اولنور .